

鐵  
琴  
銅  
劍  
樓  
藏  
書  
目  
錄

鐵琴銅劍樓藏書目錄卷第十四

常熟瞿 鏞子雍

子部

法家類

管子二十四

宋刊本

此書首石管子序楊忱撰接總目錄又劉向進書序  
連接管子卷第一題唐司空房元齡註又列卷一之  
目後接本文以後每卷同卷末後有張嶠巨山讀管  
子不詳歲月文中有紹興己未從人借得改正訛謬  
抄藏於家云云楊序作於大宋甲申九月按己未爲

紹興九年甲申爲隆興二年孝宗初立時也大約刻  
卽在其時每半葉十二行行廿四字宋諱敬竟鏡殷  
匡貞字有闕筆明萬曆間趙文毅刻本卽從此出校  
讎亦慎然尙有謔字亦有臆爲校正而實謔者今除  
宋本本謔趙本校正不謔外舉其異於趙本而可訂  
正者如卷一形勢第二虎豹託幽而威可載也託不  
作得讒臣者可與遠舉與不作以邪氣襲內襲不作  
入道往者其人莫往道來者其人莫來上不作莫來  
下不作莫往于廷宋氏曰道往者其人莫往言人與  
道俱化而不見其往也道來者其人莫  
來亦與道化而不見來也故注云均彼我忘是非而  
無往來之體劉績據形勢解改作道往莫來道來莫

往彼係  
訛字

莫知其澤之澤不作釋

按釋作澤古假借字

其功逆天

者天圍之圍不作違

石梁王氏曰圍違古通借字繫辭傳範圍天地之化而不過釋

文範圍馬王肅張作犯違

權脩第三舟車臺榭廣車下無飾字朝

庭不肅庭不作延

宋曰庭廷古通用

立政第四功力未見於

國者則不可授與重祿與不作以草木不得成得不

作植然后可以布憲后不作後全書悉同乘馬第五

凡立國都非於大山之下大不作太

王曰大山廣川相對爲文無取

於太

長短小大盡正不作大小藪鎌纏得入焉纏不

作纏

王曰纏說文作纏索也案鎌以刈薪纏以束之列子云撻纏采薪是也鎌纏皆入藪采薪之用

故曰藪錄

纏得入焉則視貸離之實而出夫粟貸不作貨今日

不爲明日亡貨亡不作忘卷二七法第六成器不課

不用不試不臧臧不作藏必須於理義故不理不勝

天下理不作禮版法第七兼愛無遺謂君謂上無是

字君下無心字象地無親地不作法案象地與上法天對作地爲是

安高在乎同利不作高安卷三幼官第八治和氣下

無用五數三字案三字劉續增藏温儒儒不作濡朱曰說文儒猶温柔與濡義近古字通用

勸勉以遷衆遷不作選聽羽聲下無

治陽氣三字劉續增行春政華春不譎秋必得文威武

官習勝勝下無之字養之以德則民合故能習合下

無和合二字莫能傷也莫下無之字罰人是君君下

無也字幼官圖第九小注次序作西方本圖西方副

圖南方本圖中方本圖北方本圖南方副圖中方副

圖北方副圖東方本圖東方副圖以下本文悉依之

劉續本與宋本同趙本依上文改易其舊其中方本圖文中庶人之守也

下無動而無不從靜而無不同十字卷四宙合第十

一民之興善也如化不作如此王曰作化是呂氏春秋曰兵不接刃而民

服若化爵尊卽肅不作則松崖惠氏曰繆過以愔則憂

愔不作昏樞言第十二故曰有氣則生無氣則死下

無生者以其氣五字劉續增萬物之脂也脂不作指賢

大夫不恃宗室室不作至自古及今未嘗之有有下

無也字卷五八觀第十三金玉貨財商賈之人不論

而在爵祿論下無志行二字祿下無也字法禁第十

四壹士以爲亡資不作壺士王曰壺當爲壹亡乃已之譌尹註作壺發之士

大謬壹聚也言收聚衆士以爲己用卽上文所謂舉國之士以爲己黨也王以意定爲壹豈知宋刻本作

壺不作重令第十五慶賞不施於卑賤而求令之必

行而上無二三兩字卷六法法第十六是故先王制

軒冕足以著貴賤不作所以法之侵也生於不正於

不譌而故言有辯而非務者辯不作辨矜物之人無

大士焉矜不譌務則內亂自是起矣不脫矣字兵法

第十七得地而國不敗者因其民民下無也字因其

民則號制有發也民不譎利卷七大匡第十八今君

知臣之不肖也臣下不脫之字召忽曰可曰下無不

字

千里顧氏曰可當爲巨或形近而譎文義當爲不可也

其反不足以圖我哉

反不作及

宋曰反當是友之譎下文朋友不能相合摻正釋此義

凡仕者近公

不作近宮小匡第二十管仲詘纓捷衽不作插衽

淵

孫氏曰太平御覽引

比耒耜穀芟穀不作穀

孫曰穀芟當依

齊語作耒芟王曰穀卽耒字之壞

敬畏戚農下有有司見之而不以

告其罪五有司已於事而竣十八字

案此下文語錯入趙本剛之是

設問國家之患而不肉肉不譎肉

王曰劉績依齊語以肉爲疾之誤蓋

其字本作灾隸書或從篆作肉形與肉相似因誤爲肉說文灾貧病也從小久聲詩曰焚焚在灾今詩灾



作疾未必非後人所改案王校未見聰明賢仁賢不

宋本而與之暗合其精於小學如此

譌質渠彌於有階有不作河下渠彌彌不作瀾中國

諸侯不作中諸侯國握粟而筮者屢中筮不譌莖

字卽筮故行地茲遠茲不作滋人君惟優與不敏爲不

可優不作優下優則亾衆同宋曰優訓隱言人君自

優則亾衆也若作優而釋以此五子者夷吾一不如

脫一字卷九霸形第二十二桓公親管子曰不作視

管仲曰案親疑視之譌上下文霸言第二十三千乘

之國可得其守不脫可字未嘗有能先作難不作先

能卷十戒第二十六使四枝耳目而萬物情不作四

肢地圖第二十七主明相知將能之謂參具參不作

叅制分第二十九乘璆則神不作乘璆

案說文無璆字此以篆文

取字形近而譌

至而不可圍圍不作罔君臣上第三十地有

常刑刑不作形

案刑形古字通

所出法則制度者明也不作

則所出法度者明也卷十一君臣下第三十一而物

厲之者也厲不作屬

宋曰厲讀爲類

則下無冀倖之心矣冀

不譌異故民趕則流之不作民迂

案趕卽迂之別體上文刑道滔趕亦

卽是迂趙補注謂走也巨言切則謬矣

明妾寵設妾不作立小稱第三

十二又可得乎下無我託可惡四字

劉續本亦無趙刻臆增

四

稱第三十三不諱其辭諱不作毀侈靡第三十五山

不同而用揆同不作童揆不作贍

此不可通而趙刻臆改

必因

成刑而論於人刑不作形此政衍也衍不作行

案衍字不

可通或是道字因篆文作衆而譌

承弊而名勸之名不作民請問諸

侯之化弊也不脫也字父擊而伏之擊不作繫國門

則塞百姓誰衍故衍不作敢

此衍字或衍字之譌言國門既塞百姓無行邀

者毋仕異國之人是爲經爲下無失字乘焉田之衆

田不作甸地與他一者從而艾之他下無若字國貧

而食鄙富不脫貪字百夫無長衍可臨也衍不作不

重有齊重以爲國重上無輕字夫陰陽進退滿虛時

亡不作亡時卷十三心術上第三十六埽除不絜絜

不作潔

案潔本字說文無潔字

心術下第三十七治心在中在

下無於字意然後刑刑然後思刑俱不作形凡心之

刑過知先王不作過知失生

案先王失生俱不可通疑宋本先字不諱而王

乃生之謫

白心第三十八知其象則索其刑刑不作形故

善舉事者國下空一字不作人字卷十四水地第三

十九而好酒人之惡酒不作灑

案酒古洗字作灑非

非特知於

麤粗也粗不作麤

王曰麤粗與下微渺對文上倉胡反下才胡反春秋繁露命序篇曰

始於麤粗終於精微漢書藝文志曰庶得麤精隱元年公羊傳注曰用心尚麤病學者不能分別傳寫多

誤四時第四十闕譯認認不作踣行秋政則旱下卽

接是故春凋秋榮云云其是故冬三月至所惡必伏

一段原在下文暴虐積則亡下

劉績移置於前趙本因之作

寄武焉不脫焉

伯申王氏曰句當有焉字豈知宋本固有之

攝奸遁不作

捕姦遁五行第四十一地競環環不作環任法第四

十五猶埴已埴也不作猶埴之在埴也不能其意能

不作適

案能下疑脫一字

正世第四十七重賦斂得民財得

不作竭治國第四十八而亂國必貧必不作常封禪

第五十帝倍封泰山倍不作譬小問第五十一何以

爲寡也不作何爲其寡也發倉廩山林藪澤以共其

財倉不作食桓公與管仲闔門而謀伐莒未發也下

無而已聞於國矣至未發也二十七字

劉績補

夫之役

者夫下無日字卷十七七臣七主第五十二傷伐五

藏藏不作穀

依尹注五穀之藏當作藏

卷十九弟子職第五十九

拊前板祭不作斂祭

朱曰朱作板譌

卷二十形勢解第六十

四臣下墮而不忠墮不作隨

筠軒洪氏曰墮與情同下文云解情簡慢以之

事主則不忠

不以其理衍下凡則必毋答之理下有衍字

無動者二字必不作慈

朱曰不以其理下一衍字校書者所加謂此四字爲衍文

也案必毋當是母必譌倒亂主獨用其智而不任聖人之智聖不

作衆

案上文以聖人之智思慮者無不知也當作聖

使人有理遇人有禮理

禮不互倒卷二十一版法解第六十六故曰四說在

愛施不脫四字明法解第六十七任人而不言言不

作官

宋曰羣書治要引作在人而不課言乃課字脫其半也

主無邪辟之行辟

不作僻使羣臣効其智能効不作效下同乘馬數第

六十九賣子數也也不作矣地田筴相員員不作國

宋曰員數也謂以筴通田之數今本作國譌

卷二十二事語第七十一不

待權與與不作與海王第七十二今鹽之重今不作

令人數開口千萬也開不作問

孫曰揆度屬及通行典所引俱作開口行

服連輶輦者輦不作輦

惠曰連即古輦字王曰通典引世亦作輦故尹注云大車

駕國蕃第七十三夫民者信親而死利信親不互倒

山國軌第七十四請問官國軌官不作宮十鼓之壞

鼓不作畝山田閉田曰閉不作問爲之有道乎乎不

作子

梁王氏所見影宋本謬乎爲于謂于卽乎字  
誘注呂覽曰于乎也爲證豈知宋本本作

乎不作

山權數第七十五君不高仁則問不相被問

不作國相因揲而審因不作困山至數第七十六肥  
籍斂則械器不奉而諸侯之皮幣不衣械器不奉下  
不複衍四字泰秋田穀之存子者若干子不作子故  
諸侯服而無止止不作正地數第七十七苟山之見  
其榮者不脫者字揆度第七十八剝以爲門父剝不  
作剝此乃財餘以滿不足之數也不脫也字母曰用  
之使不得不用也使不作用國准第七十九國准可  
得而聞乎不脫而字禽獸衆也禽不作猛出金山立



不作出山金立輕重甲第八十不吝者得振吝不作

資

王曰吝乃澹字澹卽賤以  
隸書作澹形近而譌也

故遷封食邑食不作倉

釜鑑之數釜不作金夫妻服箠不作服箠

王曰箠乃  
鞞之譌

則無屋粟邦布之籍籍不作藉則空閒有以相給資

閒不作聞故使民求之使民籍之籍不作藉次日澹

芋芋不作芋卷二十四輕重乙第八十一夫海出泐

無止泐不作泐左右不足支支不作友已得四者之

序得不作有輕重丁第八十三上斷輪軸斷不作斲

帶山負海苦處上斷福漁獵之萌也苦不作若

王曰  
苦處

當爲谷處福當爲輻上斷  
福猶上文言上斲輪軸也

少者三千鍾千不作十北

方萌者方下無之字受息之萌萌不作氓國有簞星

簞不作彗下同衍布五十倍其賈衍不作術按衍疑行之謬

行布對輕重戊第八十四以其不捐也捐不作增王

上守布捐當爲捐案至致古字通公

曰今齊載金錢而往曰今不作因令王曰公因當爲公其上文曰君

其鑄莊山之金以爲幣下文曰公其令案王氏孫氏

人貴買衡山之械器而賣之皆其證

洪氏宋氏所云宋本皆影抄紹興壬申翟源蔡潛道

刻本影抄亦有譌舛與是本間有不合處故所舉與

讀書雜識管子義證管子識誤三書亦不盡同冀附

諸家所記後以供好古者參證之助云

管子二十四卷

校宋本

此鄉先賢趙文毅刻本有趙自序及王世貞序顧澗  
菴氏以殘宋本校殘宋本自卷十三至十九缺每卷  
末有墨圖記二行其文曰瞿源蔡潛道墨寶堂新雕  
印其卷終又有圖記二行云瞿源蔡潛道宅板行紹  
興壬申孟春朔題澗翁又以朱筆錄惠松崖徵君疏  
證語於上方

卷首有顧澗  
菴手按朱記

管子二十四卷

明刊本

題唐司空房元齡注據舊唐書經籍志新唐書藝文  
志有尹知章注後人咸謂是尹書而訛題房注者注

釋多所牴牾黃氏日鈔譏之書中多古通用字唐人  
不講訓詁故所解率多牽強附會此本出先民陸敕  
先所校悉照宋本願溯黃氏依之以錄并自加案語  
訂譌甚多

鄧析子二卷

朱刊本

不題名前有劉歆進書序謂子產卒後二十年而鄧  
析死傳說或稱子產誅鄧析非也序後卽接本書猶  
見古式每半葉十一行行十五字樹字有闕筆卷末  
有朱文方印曰世美堂印又有長方朱文印曰魏國  
文正公二十二代女疑爲震川先生配王夫人印記

震川文中有云居安亭時夫人嘗屬里媼訪求古書也

商子五卷

舊鈔本

漢志稱商君隋志始稱商子皆載有二十九篇今篇目有二十六與晁氏讀書志合而第十六第二十一篇已有目無書此邑人馮知十所錄以宋本校過

卷首

有彥淵馮知十讀書記二朱記

韓非子二十卷

校宋本

舊有注不題姓氏或曰李瓚此趙文毅與管子合刻本有趙自序及王世貞序原出宋槧補和氏姦劫說

林六微等篤脫文而字句間多用他刻更定雖訂譌不少已失宋本真面目顧淵贊氏先假得惠徵君臨馮已蒼校本屬友人王小梧涓錄於是本馮本出葉林宗校道藏秦季公本惠氏自有疏證語并錄上方小梧亦有案語繼得道藏本覆勘又得述古堂影鈔宋本覆校最後得乾道初黃三八郎槧本於陽城張氏校勘畢事復以己意訂正之後來全椒吳氏覆刻乾道本附識誤三卷於後此其藍本也宋槧本道藏本於卷十一外儲說左上第三十二篇末較趙本衍四行其文曰有相與訟者子產離之而毋得使通辭

到至其言以告而知也惠嗣公使人僞關市呵難之  
因事關市以金關市乃舍之嗣公謂關市曰其時有  
客過而予汝金因譴之關市大恐以嗣公爲明察顧  
氏曰其辭與七術篇多複出兼有脫訛趙本削之是  
也顧氏所校絕不專輒輕改亦不遷就宋刻漫無別  
白其訂誤必精心剖辨依據確覈嘗謂人言校書何  
難者以未嘗校故也如真欲校之便不爲是言矣

刑統賦解二卷

舊鈔本

題元左宣德郎律學博士傅霖撰東原邠

韻釋益

都王亮增註有趙孟頫序案是書已見晁氏讀書志

則題爲元人者非邨下原闕一字其中解曰云云出  
傅氏自註歌曰云云是邨氏韻釋增註曰云云出自  
王氏敏求記謂延祐丙辰刻本者當卽是書惟後無  
李方中韻釋耳舊爲倦圃藏書後歸海寧查氏邑中

張氏

卷首有曹溶橋李曹氏藏書印臣名  
岐昌字曰藥師得樹樓藏書諸朱記

粗解刑統賦一卷

舊鈔  
木

題鄒人孟奎解前有至正壬辰自序及沈維時跋案  
奎字文卿元至正間人所解皆淺顯易明令人便於  
誦習其篇末總論兢兢於刑法之事知之匪艱而用  
之惟艱謂法律一定人情萬端一定之法不足以盡



萬情故不可泥於紙上之法而不察斯民之情惟慎  
詳真僞使曲直輕重各得其宜民無枉濫斯爲善矣  
使其恣一己之喜怒致斷者不復續死者不復生陰  
隲非輕報應甚速豈不哀哉其所以做夫折獄者深  
矣世之司刑者當置此書於座右時爲省覽也

卷末  
有皇

父五經  
朱記

刑統賦疏一卷

舊鈔  
本

題沈仲緯氏撰有俞淖楊維楨序案仲緯未詳其名  
據鐵崖序謂爲郡府掾其書取傅氏賦文而爲之疏  
引据詳析疏後有直解彙括易曉解後有通例則取

當時罪案斷例以爲左驗意主戒儆非泛作刑書也  
中有朱筆校改處間据元鈔本不詳何人所校是書  
諸家書目皆不載嚮藏郡中黃氏邑中張氏

右法家

農家類

齊民要術十卷

校朱本

後魏賈思勰撰并序又葛祐之序華亭沈氏竹東書  
舍刻本較胡氏震亨刻本脫文脫字尤多桑柘篇中  
脫去一葉與胡本同陳子準氏以宋槧殘本一一校  
補案錢氏敏求記謂嘉靖湖湘本文注混淆首卷簡

端周書曰神農之時天雨粟云云原係雙行夾注不當刊作大字今案宋本良然惜後四卷宋本亦闕不獲校全然其佳處已不勝俚指矣

卷首有邵彌藏書畫記朱記

農桑撮要二卷

元刊本

元魯明善撰并序案元時官頒農桑撮要一書以齊民要術爲藍本共分六門而卷末載歲用雜事猶略此本則分十二月令案時件繫詳言種殖斂藏之事足補輯要所未備卷中十一月修池塘一條謂宜於農隙之時填補塘岸令高中間要挑掘令深則聚水寬廣所以預備乾旱此真耕農要務也書初刻於延

祐甲寅又刻於至順元年此其再刻本也

醫家類

新刊補註釋文黃帝內經素問十二卷

元刊本

題啟元子次註林億孫奇高保衡等奉勅校正孫兆

重改誤啟元子唐太僕令王冰也

文獻通考及郡齋讀書志作王冰

林億高保衡宋嘉祐中人隋全元起舊有注八卷佚

其第七冰得其本爲之補注億等既校正繆誤復增

注二千餘條遂爲完書有保衡進書表及冰序此至

元刻本目錄後有原本二十四卷今併爲一十二卷

刊行卷末有墨圖記二行云至元己卯舊節古林書

堂新刊

卷中有葉樹廉印石君樸學齋  
歸來草堂張氏璧甫諸朱記

新刻黃帝靈樞經十二卷

元刊本

不著撰人晁氏讀書志曰王冰撰謂卽漢志黃帝內經十八卷之九世謂王冰僞託又謂卽唐志黃帝九靈經十二卷王冰更其名曰靈樞經此與素問同時刻本目錄後有至元己卯古林胡氏新刊一行卷一後有墨岡記二行云至元庚辰菖節古林書堂印行

新刊王氏脈經十卷

舊鈔本

晉王叔和撰并序又何大任後序案叔和高平人官太醫令世傳叔和脈訣一卷與此不同乃僞作也是

編亦宋林億等校定前有億進書序末列高保衡孫奇林億銜名宋紹聖嘉定俱有刻本此本目錄後有天曆庚午歲廣勤葉氏刊一行蓋從元刻本鈔出

劉涓子鬼遺方五卷

宋刊本

齊龔慶宣編案唐志有龔慶宣劉涓子男方十卷書錄解題有劉涓子神仙遺論十卷東蜀刺史李頔錄當別一書也此本首有永明元年自序其述涓子得書之由在晉末用兵丹陽時語涉神異已載錢氏敏求記又云涓子妹適余從祖叔涓子寄姊書敘此事并方一卷方是丹陽白薄紙本寫今手跡尚存從家

世能爲治方祕而不傳至孫道慶臨終見語家有神  
方兒子幼稚欲以相傳遂受而不辭自得此方於今  
五載所治皆愈劉氏草寫多無次第今輒定其前後  
族類相從爲此一部流布鄉曲又道慶云此鬼方舅  
祖涓子兄弟自寫稱云無紙而用丹陽錄永和十九  
年資財不薄豈復無紙是以此別之耳每半葉十三  
行行廿三字板心但一鬼字字體肅穆紙質堅韌異  
常全書無宋諱字疑出五代宋初所刻敏求記曰此  
書極爲奇祕收藏罕見之然遵王所藏是宋鈔本  
此則古刻尤足珍也

卷首有汪士  
鐘藏朱記

巢氏諸病源候總論五十卷

明刊本

隋太醫博士巢元方等奉詔撰有宋綬序陳氏書錄云千金方諸論多本是書宋制每用以課試醫士也此明王氏主一齋刊本

孫真人備急千金要方三十卷

元刊本

唐孫思邈撰前列高保衡等進書序遇明聖主上等字俱跳行當仍宋刻舊式也原書與千金翼方三十卷本各單行後人合併之又離析卷帙爲九十三卷失古本之真矣此猶三十卷之舊與晁陳二家書目及敏求記所述悉合



廣成先生玉函經一卷

宋刊本

題傳真天師特進檢校太傅太子賓客主管大學士  
戶部侍郎徽國廣成杜光庭撰盱江水月黎民壽註  
前有自序每半葉十一行行廿一字板刻不工殆宋  
末麻沙本後有黃氏丕烈跋云錢氏敏求記有杜光  
庭了證歌一卷云光庭謹傍難經各推了證歌爲之  
以決生死宋高氏爲之注東越伍捷又爲之補注此  
書自序則云謹傍難經略依決證迺成生死歌訣一  
門實是一書惟注本不同故更其名耳黎注中引王  
德膚易簡方謂宋人王碩也知民壽亦爲宋人矣

宋刊本

有沈辨之  
氏朱記

太平聖惠方三卷

鈔殘本

宋王懷隱鄭彥等奉詔編校原書一百卷全本久佚  
此黃文琴六從宋槧殘本寫出僅存眼齒二門可謂  
吉光片羽矣書中丸字俱作圓宋諱桓字嫌名也

銅人腧穴鍼灸圖經三卷

傳鈔本

不著撰人名氏晁氏讀書志謂皇朝王惟德撰玉海  
謂王惟一未詳孰是此明人鈔本猶存三卷之舊後  
有析爲七卷者失天聖舊本之第矣有正統御製序

新刊華佗元門脈訣內照圖二卷

明刊本

題華佗編集後有序云圖左之註宋人楊介撰成化  
初閣老彭文憲於秘籍中抄得出以見授蘭家世以  
醫行淮南先伯子院判德明府君與蘭獲列官於朝  
供奉御局者三十餘年獲益於是書不少因命二子  
本棐重加校定梓之是作序者名蘭因序末一葉已  
失其姓不可知矣

傷寒必用運氣全書十卷

明刊本

是書前三卷錄劉溫舒運氣圖論以下錄廣平程德  
齋運氣起例歌括以及鈐法方藥總名運氣全書亦  
熊宗立編有序卷末有成化二十二年春正月既望

奉勅督河南學政按察司僉事江浦石淮校刊二行

經史證類大觀本草三十一卷附本草衍義二十卷

金刊本

宋唐慎微撰是本卷數與書錄解題合郡齋讀書志及玉海俱作三十二卷合目錄并數也金泰和中晦明軒所刻并爲三十卷已改大觀舊第此本未經竄亂卷首有艾晟序後有墨圖記云經史證類大本本草三十一卷附本草衍義二十卷貞祐二年嵩州福昌孫夏氏書籍鋪印行考金宣宗貞祐二年乃宋寧宗嘉定七年每半葉十二行行二十字後來元大德壬寅宗文書院刊本當卽從此本出而明萬曆丁丑

本又依元本刊也本草衍義文獻通考作廣義其卷

數同書錄解題作十卷與此本不合

每卷有錢氏家藏朱記

太平惠民和劑局方十卷附指南總論二卷

元刊本

此書前列進書表末題將仕郎措置藥局檢閱方書

陳承奉議郎守太醫令兼措置藥局檢閱方書裴宗

元朝奉郎守尚書庫部郎中提轄措置藥局陳師文

謹上三行凡十四門七百七十八方與陳氏書錄及

玉海作五卷爲二十一門二百九十七方不合蓋陳

氏王氏所載爲師文原本此則紹興以後增修本也

文獻通考作十卷殆卽此本矣目錄後有建安宗文

書堂鄭天澤新刊一行曝書亭所藏竹垞氏有跋者  
爲建安高氏日新堂刊本同爲元刻別一本也近時  
邑中張氏刊入學津討原者得同里陳氏舊鈔本多  
增廣二字而脫落處甚夥今以張本校之如卷一五  
脾湯下脫壽星圓左經圓活絡丹七生圓川芎茶調  
散乳香趁痛散黑龍圓七方乳香宣經圓下脫換腿  
圓大聖保命丹四生圓輕腳圓大防風丹經進地仙  
丹伏虎丹烏藥順氣散祕方換腿圓左經圓木瓜圓  
追風應痛圓磁石圓胡麻散十四方卷三順氣木香  
散不脫和氣散一方卷八槐角圓下脫勝金圓一方

何首烏散下脫樺皮散一方玉龍膏下脫花藥石散  
一方及五行八卦之圖導滯散下脫如聖散檳榔散  
二方神効當歸膏下脫膩粉膏一方烏蛇膏下脫槐  
白皮膏一方補損當歸散下脫復元通氣散一方卷  
九澤蘭圓下脫鍾乳澤蘭圓一方吳茱萸湯下脫伏  
龍肝散一方牡丹煎圓下脫椒紅圓一方白薇圓下  
脫小白薇圓紫石英圓四物湯陽起石丸白朮散五  
方保生丸下脫榆白皮散當歸丸當歸建中湯大通  
真圓四方催生丹下脫芎藭湯蒲黃散當歸散牛膝  
湯四順理中圓漏蘆散大聖散七方油煎散下脫滋

血湯烏金散暖宮圓琥珀澤蘭圓四方安胎飲下脫  
神仙聚寶丹洗洗圓人參髓甲圓濟危上丹四方南  
嶽魏夫人濟陰丹下脫琥珀黑散滑胎枳殼散茂香  
散竹茹湯四方琥珀圓下脫鮫血圓內灸散烏雞煎  
丸三方白聖丹下脫暖宮丸滋血湯安胎飲益陰丹  
妙應丹五方牡丹散下脫紅花當歸散烏金散艾煎  
圓當歸芍藥散調經散五方黑龍散下脫人參當歸  
散一方當歸養血圓下脫四神散當歸黃芪湯神授  
散小地黃丸交感地黃煎丸加減吳茱萸湯熟乾地  
黃湯七方增損四物湯條須日進黑神散三服下脫



二百廿九字文多不備錄猪蹄方下產前將護法上  
此本有入月安產圖體玄子借地法禁草法禁水法  
共文二十一行張本皆脫催生符下有推婦人行年  
法逐日產母生子宜向方逐月產母生子忌向方藏  
胎衣吉方逐日日游神五條其二葉張本亦脫卷十  
太一銀朱丹下脫軟金丹一方至聖丹下脫定吐救  
生丹一方五疳保童圓下脫熊膽圓一方虎睛圓下  
脫天麻防風圓一方香連圓下脫紫霜圓一方沒食  
子圓下脫水銀福圓子一方惺惺散下脫人參羌活  
散辰砂金箔散消毒散人參散生犀散五方朱砂圓

下脫蘆薈圓和中散人參半夏圓辰砂半夏圓丁香  
散六神丹六方肥兒圓下脫至聖保命丹一方人參  
圓下脫溫脾散一方白豆蔻散下脫當歸丸一方豆  
蔻香連圓下脫木香白朮散一方赤石脂散下脫槩  
墨散半夏散二方朱礬散下脫紫蘇子散犀角人參  
散二方鎮心至寶丹下脫小黃連阿膠圓一方麥煎  
散下脫辰砂扶神膏一方祕傳神仙消痞圓下脫小  
駐車圓一方銀白散下脫蝦蟇圓一方玉真湯下脫  
薄荷湯紫蘇湯二方二宜湯下脫厚朴湯一方仙朮  
湯下脫杏霜湯生薑湯益智湯三方茴香湯共二方

其後一方脫縮砂湯下脫胡椒湯一方此皆張本之脫誤惜未依此本刻之也書中丸字或作圓猶宋本之舊末附指南總論二卷題勅授太醫助教前差充四川總領所檢察惠民局許洪編張氏所未刻者乃訛以圖經本草一種爲用藥總論尤失之也

重校證活人書十八卷

影鈔宋本

宋朱肱撰并序前有進書表謝表謝啟案書錄解題云肱字翼中吳興人秘丞臨之子中書舍人服之弟登進士科以張仲景傷寒方論各以類聚爲之問答本號無求子傷寒百問方武夷張藏作序易此名晁

氏讀書志所載亦合惟作二十卷

文獻通考亦作二十卷惟書錄解題

卷數與此本同

而此本進書表中亦云二十卷刻時當有刪

併故少二卷也政和八年刊於杭州大隱坊每半葉

八行行十五字嚮藏邑中孫氏

卷中有天眞閣朱記

史載之方二卷

影鈔宋本

此書不題名亦無序目自郡齋讀書志以下皆未著

錄郡中黃復翁得之石冢嚴氏此卽從之過錄者也

載之名不甚著其始末無攷惟據復翁跋稱宋稗類

鈔載眉州朱師古得異疾趨郡謁史載之宋時眉州

屬成都府是載之爲成都人也書錄解題載指南方

二卷蜀人史堪載之撰卷數雖同書名則異不知卽此書否然稱爲蜀人與宋稗類鈔合其非二人可知是載之名堪也而阮文達提要謂字里未詳蓋誤認載之爲名矣北窗炙輠錄載載之療蔡元長疾元長熙寧三年進士靖康中貶死是載之爲神宗後人也其大略可見者如此案載之療元長大腸秘因市紫苑以進須臾遂通此書大府秘門正有用紫苑一方而師古異疾載之名爲食掛謂出素問製藥服之三日頓愈宋稗類鈔不言所用何藥此書亦無食掛方論蓋載之所著當不止此或在解題所稱指南方中

而此書之非卽指南又可想見也書中吳成鶯微等字皆減筆而完丸等不避欽宗嫌名蓋刻於靖康以前復翁定爲北宋精槩不誣也

傷寒治驗九十論一卷

舊鈔本

宋許叔微撰每證各系以論凡九十篇原書名傷寒論郡人劉大生校錄增治驗字大生不知何時人

張仲景駐解傷寒百證歌五卷附傷寒發微論二卷

元刊本

題許叔微述叔微字知可真州人紹興二年進士是書乃述張仲景之意而申言之刻者遂誤加張仲景註解五字於書名以致難通知可有類證齊濟本事

方著錄 四庫而此二書不載朱國楨湧幢小品記  
知可所作諸書中有擬傷寒歌三卷凡百篇當卽是  
書惟誤五卷爲三卷又有翼傷寒論二卷疑卽發微  
論見敏求記惜原序殘闕不知何人校刻

卷首有張君服私印

朱記

幼幼新書四十卷

明刊本

此書見陳氏書錄題直龍圖閣知潭州劉昉方明撰  
集刊未畢而卒徐壽卿以漕攝郡趨成之舊有紹  
興二十年門人左迪功郎潭州湘潭縣尉主管學事  
李庚序及左迪功郎新差江陵府司戶參軍石才孺

後序案李序謂劉公患小兒疾苦世無良醫悉取古  
方及已試祕方命王慝義道王湜子是編其書石序  
謂總四十卷旣成三十八卷而疾不起四明樓公繼  
其政亟訖其事併後二卷爲一卷復纂歷代所述求  
子方論爲一卷冠諸首與直齋所紀差異是本爲明  
萬曆間吳郡陳履端編訂履端業醫嘗於雲間顧研  
山所購得宋刻本闕三卷復於歙程大綱家鈔得略  
加刪節刻之有履端自序及王世貞劉鳳張應文序  
王問卿余然後序

洪氏集驗方五卷

宋刊本



不題名後有跋云古集驗方五卷皆余平生用之有  
著驗或雖未及用而傳聞之審者刻之姑孰與衆共  
之乾道庚寅十二月十日番陽洪遵書每半葉九行  
行十六字丸字避諱俱作圓後有鮮于樞題詩云賢  
人留意濟斯民學仕之餘未捨勤猶訪醫方治疾病  
豈因富貴墮心身迺知後世家風遠想見當年德業  
新愧我長貧仍懶惰不能望見屬車塵其書以淳熙  
七八兩年官冊紙背所印中鈐官印惜不可識後有

黃堯圃願淵裝跋

卷首有玉蘭堂竹塢  
季振宜滄葦諸朱記

醫經正本書一卷

舊鈔本

宋程迥撰并序又陳言跋此書見書錄解題凡十四篇專辨傷寒疫疾並無傳染以救薄俗骨肉相棄絕之弊并及唐宋醫政與夫權量脈診湯滾方論贊其是而細其否謂之正本者以本正則邪說不能搖也

傷寒補亡論一卷

舊鈔本

題河南郭雍撰案雍字子和隱居峽州號白雲先生乾道中徵召不起賜號冲晦處士是編述諸家論仲景傷寒治法以補舊論所未及故曰補亡各家書目俱未載

衛生家寶產科備要八卷

宋刊本

藏書目錄卷十四

五

宋朱端章編是書集諸家產科經驗方成帙首列入  
月產圖中有借地禁草禁水逐月安產法書錄解題  
所載產寶諸方一卷以十二月產圖冠之疑卽此書  
也卷第四李師聖編論郭稽中附方疑卽直齋書錄  
所載產育保慶集一卷也卷第六許學士產科方當  
謂紹興中許叔微其餘雜采諸家方論甚備諸家書  
目俱不載惟見錢氏敏求記目錄後有翰林醫學差  
充南康軍駐泊張永校勘一行卷末有自記三行云  
長樂朱端章以所藏諸家產科經驗方編成八卷刻  
版南康郡齋淳熙甲辰歲十二月初十日云云每半

葉九行行十五字書中遇轅懸字俱減筆丸皆作圓  
敏求記所謂楮墨精好可愛者今又歷二百餘載依

然如故可寶也

卷中有孟洪西澗草堂  
孫氏禹九家藏諸朱記

新編近時十便良方十卷

宋刊  
殘本

不著撰人前有慶元乙卯汾陽博濟堂序略謂紹熙  
辛亥東南漕使孫公稽仲有所集方書一編目曰大  
衍惜其太略於是徧搜方論摘其簡而至切迅而不  
暴與時運相宜者以附益公之不足所謂十便者藥  
材止六十四種易於儲蓄一便也世所常用無難致  
之物二便也各市少許置藥籠中不妨行李帶挈三

便也古今方論安能一一討尋今惟取必效之方不勞徧閱四便也凡有病卽有方有方卽有藥不致倉皇失措五便也治疾如救焚此書用藥簡當而和劑不勞六便也或宦遊僻縣地少醫藥緩急有以支梧七便也行旅野宿猝有不虞之證不致坐困八便也深山窮谷去城市遠卽得應用九便也仁人君子於困窮疾病欲探囊施與無方藥不備之歎十便也原書四十卷今存卷十一至十七卷二十一至二十二凡十卷卷首有古今方論總目所引古方凡六十六種末有墨圖記云萬卷堂作十三行大字刊行庶便

檢用請詳鑒十八字又有總類一卷標用藥治疾之  
目目錄一卷標藥名方名之目每半葉十三行行廿  
二字

醫說十卷

明刊本

宋張~~思~~集山陰諸葛興序時嘉靖間南衡童某刻於  
晉有東黃張子立序印臺傅某復刻於秦有西京許  
宗魯序案此書首以歷代名醫次以醫書本草診法  
及神醫神方周身諸病皆引類垂法指實著效醫學  
之指南也舊爲汪秀峰藏本

卷首有開萬樓藏書朱記

鍼灸資生經七卷

元刊本

不著撰人案嘉定庚辰徐正卿序謂東嘉王叔權作  
 則亦宋時人也目錄前有廣勤書堂刊一行其第一  
 卷專論人身諸穴第二卷以下列鍼灸諸法其銅人  
 圖式非獨正背兼具側形考唐志有黃帝十二經偃  
 側人圖十二卷此或其遺法歟

卷首有范文安藏書  
張履和印二朱記

傷寒要旨方一卷

舊鈔本

題當塗李樸與幾編輯此書見陳氏書錄謂列方於  
 前而類證於後皆不外仲景原書為二卷名傷寒要  
 旨無方字此為明沈子祿承之氏重訂前有補類數  
 條及附方皆其所增沈亦一良醫也

前後有子祿沈  
承之家藏書沈

鶴泉諸

朱記

新雕圖解素問要旨論八卷

影鈔元本

題劉守真撰馬宗素重編有自序宗素序序後有刊書人題記云今求到河間劉守真先生親傳的本仍請明醫之士精加校定云云宗素洪洞人亦習醫術守真弟子也

劉河間傷寒直格三卷後集一卷續集一卷別集一卷元刊本

題金劉完素撰臨川葛雍輯其論傷寒一門爲此書附以劉洪傷寒心要爲後集馬宗素傷寒醫鑒爲續



集張子和心鏡第三卷爲別集是本與錢遵王讀書  
敏求記所載合卷首有無名氏序序後有墨圖記一  
行云臨川葛雍校正建安虞氏刊行而目錄前又有  
圖記五行云傷寒方論自漢長沙張仲景之後惟前  
金河間劉守真深究厥旨著爲傷寒直格一書誠有  
益於世今求到江北善本迺臨川葛仲穆編校敬刻  
梓行嘉興天下衛生君子共之歲次癸丑仲冬妃仙  
陳氏書堂刊據此則是本當從建安本出而歲次癸  
丑乃元仁宗皇慶二年也

卷首有錢氏  
仲實朱記

病機氣宜保命集三卷

明刊本

題劉守真撰李時珍辨爲金張元素之書見本草綱目序例中凡分三十二門論議精要次及處方用藥之法金末楊威初刊行之此明初宣藩刻本原序已

關

此事難知二卷

元刊本

不著撰人名氏前有至大元年王好古序知述其師李東垣緒論也今東垣書中亦列入是編其實出好古哀輯非東垣自撰也

鍼灸四書八卷

舊鈔本

元竇桂芳編并序案桂芳字靜齋建寧人漢卿之子

父子皆隱於醫四書者一爲金闕明廣子午流注鍼  
經三卷首冠以何若愚流注指微鍼賦而爲之注有  
閻明廣序一爲宋竇傑鍼經指南一卷有朱良能序  
傑亦字漢卿與桂芳父同字合肥人仕至太師時有  
兩竇漢卿皆以醫學顯者桂芳得其書合刻之并附  
以家藏黃帝明堂灸經三卷有無名氏序宋莊綽灸  
膏肓腧穴法一卷有自序合而編之目爲鍼灸四書  
序目後有墨圖記二行曰至大辛亥春月燕山活濟  
堂刊活濟賢氏藥室名游達齋親書以贈見桂芳自  
序是本從元刊影寫嚮藏愛日精廬張氏

衛生寶鑑二十四卷補遺一卷

明刊本

元羅天益撰案天益字謙甫藁城人學醫於東垣李氏源流於易水張氏以兩家之言集錄詮次而成書卷一至三曰藥誤永鑑者知前車之覆戒後人勿蹈之也卷四至二十曰名方類集者古今之方擇之已精備錄之使後人有所據依也卷二十一曰藥類法象者氣味厚薄各有所用證治增損欲後人信之也曰醫驗紀述者藥準夫病效始隨之欲後人慎之也補遺一卷多述仲景治內傷外感經驗方并中暑方迺刊時補入非謙甫作也有鄆城硯堅題首天益上

東垣啟及王恂胡廣楊榮金幼孜蔣用文等序又無  
名氏補遺序韓夷刊板跋是書見文淵閣書目焦氏  
經籍志

本草元命苞九卷

舊鈔本

元尙從善撰并序案從善字仲良自署銜名爲御診  
太醫宣受成全郎上都惠民司提點元時設立醫官  
考試出題以素難爲經疑仲景爲治法本草爲藥性  
仲良以唐慎微所著全書藥品有一千八十二種之  
多學者不能遍識迺摭其切於用者四百六十八品  
論說簡要編成九卷刻於至順中前有至元三年平

江路常熟州知州班惟志敘又馮子振序諸家書目皆不載惟見錢遵王敏求記是本明人所鈔僅存殘帙士禮居黃氏以周香巖藏本補足

卷首有周子廉氏朱記

瑞竹堂經驗方十五卷

明刊本

元薩里彌實撰全書分十五門卷一諸風門卷二心氣痛門卷三小兒疝氣門卷四積滯門卷五痰飲門卷六喘嗽門卷七羨補門卷八瀉痢門卷九頭面口眼耳鼻門卷十髮齒門卷十一咽喉門卷十二雜治門卷十三瘡腫門卷十四婦人門卷十五小兒門與明文淵閣書目所載合別本有作五卷者文多殘闕

分類亦不合此其原書足本也前有王都中吳澂序  
後有跋云鄭方伯志道刻於蜀中末葉已闕失其名

泰定養生主論十六卷

明刊本

題元洞虛子王中陽撰并序案中陽名珪字均章自  
號中陽老人吳人中歲棄官隱於虞山下此書取莊  
子字泰定者發乎天元及養生主之義故首曰原心  
次論婚合孕育嬰幼童壯衰老宜攝避忌次論迎氣  
標本陰陽脉病證治然後類方對證以備采用終以  
古今明訓二道日省一篇以爲攝生要法至元中有  
刻本有段天祐徐繁序楊易跋正德間兵部郎中冒

驚重刊有跋

世醫得效方二十卷

元刊本

元危亦林撰以先世相傳經驗之方分十三科錄之  
後附孫真人養生法一卷有自序及王充耘序至正  
五年建寧路官醫提領陳志刊有序又有太醫院題  
識云南豐危亦林世醫得效方編次有法科目無遺  
江西提舉司校正之牒上於院下諸路提舉司重校  
之復白于院院之長貳僚屬皆曰善付其屬俾繙梓  
焉云云後列太醫院官二十三人銜名樣史一人其  
檢校詳慎可知



新編西方子明堂灸經八卷

元刊本

不題撰人姓名西方子亦無考目錄前有熊氏衛生堂重刊一行卷一列正人頭面圖胃膈圖腹肚圖卷二卷三正人手圖足圖卷四伏人頭圖卷五卷六伏人手圖足圖卷七側人頭頸圖脇圖手圖卷八足圖各詳其穴處論可灸不可灸較銅人鍼灸經爲備

四庫著錄爲山西平陽府本與銅人鍼灸經合刻是本乃元槧之精好者出曝書亭舊藏

卷首有彙尊曝書亭藏書二朱

記

鐵琴銅劍樓藏書目錄卷第十五

常熟瞿 鏞子雍

子部三

天文算法類

周髀算經二卷音義一卷附數術記遺一卷

舊鈔本

舊題趙君卿注甄鸞重述李淳風釋音義題李籍撰  
後附數術記遺題徐岳撰仇鸞注周髀卽古蓋天之  
學今之西法實出於是數術記遺唐代選舉於九章  
五曹之外兼習之雖世皆疑其僞託要之流傳已久  
矣惟輟轉傳鈔譌舛不少此猶舊本有君卿自序及

鮑澣之序跋案跋語遇國家及中興字樣俱跳行頂格知此本從宋槧傳錄也

天文大象賦一卷

舊鈔本

隋李播撰苗爲注舊題張衡撰唐志崇文總目通志藝文略俱作李播播仕隋高祖時棄官爲道士願淵翁据賦末有少微之養寂云云定爲播撰自不誣也舊爲孫氏之駮鈔藏本後有澗翁跋邑人吳頊儒氏依之傳錄

新儀象法要三卷

影鈔宋本

宋蘇頌撰是書爲重修渾儀而作始於元祐間成於

紹聖中故遂初堂書目謂爲紹聖儀象法要首列進  
書狀卷各有圖圖各有說當時奉敕撰進者朱槩本  
卷末有乾道壬辰九月九日吳興施元之刻本於三  
衢坐嘯齋兩行元之字德初卽注蘇詩行世者此相  
傳影摹本圖樣界畫不爽毫髮不減遵王氏藏本也

銅壺漏箭制度一卷

影鈔  
宋本

是書文淵閣書目著錄不著撰人名氏卷首列李龍  
眠序其次爲刻漏圖式又次列十二節上箭下箭獨  
用同用之分較新儀象法要爲密卷末載王荆公明  
州新刻漏銘許克昌明州新造蓮華刻漏記及銘最

後爲淳祐丁未顏頤仲跋案許記顏跋知明州譙門  
舊有水稱則晝夜漏之長歲久剝敝紹興末太常伯  
韓仲通爲郡守得吳人祝岷迹古制冶銅爲蓮花漏  
及淳熙丁未龍溪顏頤仲繼爲郡守旣修復之復取

李龍眠韓仲通兩家刻漏之製並授之梓卷末有清

源免解進士魏國鈞校正一行卷首有土禮居藏黃  
印丕烈堯圖諸朱記

準齋心製几漏圖式一卷

影鈔  
宋本

宋孫逢古撰并序逢古創爲小壺分二十五箭按時  
而用以正晷刻可置坐隅故曰几漏因繪箭式而刻  
之曾著錄文淵閣書目是本與銅壺漏箭製度合裝

一冊郡中黃氏舊藏堯翁有跋

卷首有士禮居藏朱記

大宋寶祐四年丙辰歲會天萬年具注曆一卷

舊鈔本

此宋寶祐四年歲在丙辰之曆書卷末題諸人算造具注頒行者曰寶祐三年十月日保章正充同知算造兼主管文德殿鐘鼓院荆執禮靈臺郎充同知算造楊旂靈臺郎兼主管測驗渾刻漏所相師堯換授保章正充同知算造譚玉靈臺郎判太史局批點曆書鄧宗文李輔卿秀水朱氏跋云南渡後自統元至會天曆名凡七改惟會天史稱闕其法試由此編推之亦可忖測而知舊爲崑山含經堂徐氏所藏竹垞

老人錄副以傳此本卷末有朱筆題識云乾隆丙午

從江鄭堂處鈔錄復比校一過秋厓衡記案秋厓姓

朱名邦衡余仲林高弟也

卷末有秋厓朱記

乾象通鑑一百卷

舊鈔本

宋李季撰卷首有自序曰臣季著爲成書不遠萬里  
赴行在獻之錢遵王氏謂當是宋高宗時然案卷末  
自署河間府免解進士李季奉聖旨編河間至臨安  
不當云萬里也其援引廣博推驗精詳得未曾有且  
所引逸書頗夥尤爲藝林之淵海外間傳本絕稀此  
猶出錢氏藏本所鈔傳者嚮藏郡中汪氏

卷首有汪士鍾印

陽江氏藏書  
印二朱記

回回曆法一卷

明刊本

是書卷首有洪武辛亥吳伯宗序下接回回曆法釋  
例凡六條曰釋用數例曰釋回回曆法積年曰釋宮  
分日數曰釋月分大小及本音名號曰釋七曜數及  
本音名號曰釋閏法以下爲七政經緯度法案回回  
積年以阿刺必年爲曆元當中國隋開皇十九年己  
未之歲其所紀月名如第一月大名法而幹而丁第  
二月小名阿而的必喜世第三月大名虎而達第四  
月小名提而第五月大名木而達第六月小名沙合



列幹而第七月大名列黑而第八月小名阿班第九月大名阿咱而第十月小名答亦第十一月大名八哈慢第十二月小名亦思番達而麻的登諸紀載亦足廣異聞也

右推步

五曹算經五卷

影鈔宋本

題唐朝議大夫行太史令上輕車都尉臣李淳風等奉敕注釋案唐書藝文志有李淳風注五曹孫子等算經故秀水朱氏跋云相傳其法出於孫武也此書傳本絕稀四庫著錄本鈔自永樂大典此猶出自

宋槧卷末有祕書省三字一行又一行云五曹算經  
一部共一冊又三行列校勘呈進諸臣云元豐七年  
九月日校定降授宣德郎祕書省校書郎臣葉祖洽  
上進校定承議郎行祕書省校書郎臣王仲脩校定  
朝奉郎行祕書省校書郎臣錢長卿又末葉三行列  
督刊諸臣云奉議郎守祕書丞臣韓宗古朝請郎試  
祕書少監臣孫覺降授朝散郎試祕書監臣趙彥若  
每半葉九行行十八字

緝古算經一卷

影鈔  
宋本

題唐通直郎太史丞王孝通撰并注其推算分二十

術析及毫芒讀者不能遽通故唐代立算學習此書者以三年爲限其書與五曹算經同時刻者卷末校定上進督刊諸人結銜姓氏皆同此卽毛斧季氏得之章邱李氏影鈔以傳者也

數書九章十八卷

舊鈔本

宋秦九韶撰并序其書分九類以明實用故曰九章非舊所謂九章也第一大衍術中詳言立天元一法推明數術之原所謂卽形上之義以通形下之數李氏測圓海鏡所言卽本之其實西法亦出於此至國朝梅氏而始宣其蘊則是書爲算家最精微之作

四庫著錄本從永樂大典錄出此本卷末有趙清  
常跋云數書九章十八卷宋淳祐間魯郡秦九韶撰  
會稽王應遴輩父借閱鈔本而錄也予轉假錄之原  
無目予爲增入之時萬曆十五年新正五日清常道  
人趙琦美記

右算書

術數類

太玄集注六卷太玄解四卷附太玄曆一卷

宋鈔本

集注題涑水司馬光解題襄陵許翰注曆附解後不  
著撰人姓名集注首冠溫公讀玄一篇解末有跋云

右十一篇解附以釋文出許翰音考曰王卽唐王涯  
陳卽近世陳漸著演立吳卽吳祕作音義郭卽郭元  
亨作疏丁卽丁謂許卽許昂章卽章簪黃卽黃伯思  
林卽林瑀本云曆末有跋云右許翰傳太玄曆出溫  
公手錄經後不著誰作本疑準賁沈準觀翰更定爲  
觀爲歸妹云案此書世不經見是本相傳爲南宋人  
所寫書法勁正前明名人珍藏印記纍纍每半葉八  
行行十七字注每行廿四字宋諱貞敬字皆闕筆卷  
末有題識云以治乙卯臘月葑溪邢參觀於皋橋唐  
伯虎家又有題云此本舊藏唐子畏家後以贈錢君

同愛更無副本惟賴此傳誦耳錢君幸珍藏之丁巳  
冬徐禎卿識又有題云吳燿錢澈周芝補遺長洲陸  
廷芝陸灼校訂崇禎丙子張丑敬觀近爲郡人黃復  
翁所得潢治成冊有錢宮詹題跋云溫公集注太元  
六卷見於宋藝文志而世罕傳本至許崧老之元解  
則宋志無之惟直齋所錄與此本正同崧老本續溫  
公而作而卷第相承蓋用韓康伯注易之例太元曆  
不著撰人許氏云出溫公手錄則溫公以前已有之  
其以六十卦配節氣不及坎離震兌者京氏六日七  
分法四正爲方伯不在直日之例也此本字畫古朴

又多避宋諱缺筆相傳爲南宋人所鈔明中葉唐子畏及吾家孔周先後藏弄一時名士多有題識好事者誇爲枕中之祕去冬雲濤舍人始購得之招余審定歎其絕佳越明春借讀畢因題時癸丑二月廿七日錢大昕又唐陶山觀察題云右太元注并解宋鈔凡十冊因籍一大紳家得之以觸

廟諱字特

多不進 內府考明時藏吾家六如家余當弄之然仕於州縣不解藏書而堯圃主政精考訂且曾見此書時時念之因舉以相贈亦以其舊藏吳中今仍置之皋橋吳趨間抑亦吾家六如所心許也買楨還珠

吾無悔焉主政其善寶之嘉慶六年九月既望响山

唐仲冕識

卷首尾有吳氏家藏吳寬原博堯翁徵仲啟南石田張丑之印王鵬程印王元齊印

諸朱

記

太玄經十卷

明刊本

漢楊雄撰晉范望解贊舊有宋衷解註陸績釋文范氏合二家注勒成一編後有玄圖分畫四重卷端列陸績述玄後有王涯說玄五篇又釋文一卷不著撰人通志謂林瑀所撰此明萬玉堂依宋槧本重雕故玄貞字有減筆卷末有海虞周潮書五字

元包經傳五卷附元包數總義二卷

明刊本



後周衛元嵩撰唐蘇源明傳李江注宋韋漢卿釋音  
其總義則張行成所補撰也是書效太玄而作蘇李  
言其理張氏則主數紹興中張洸合釋音與疏義刻  
之明人覆板一仍其舊較毛氏刻自勝有楊楫序張  
洸跋

潛虛一卷潛虛發微論一卷

影鈔宋本

題宋太師溫國公司馬光撰其發微論題左朝奉郎  
御史張敦實撰昔人見溫公所作潛虛遺墨俱有關  
文疑爲未成之書此本完善無闕卽朱子所見泉州  
本目爲贗本也然當時建陽邵武俱有刻本邵武惟

缺繇辭此迺泉州教授陳應行乞諸公曾孫溫陵守  
某得家藏全本合張氏發微論以刊者云繇辭悉備  
豈溫公後人所增入者歟抑張氏作發微論時爲之  
補全耶古人作一書經後人拾遺訂墜者恆多何獨  
於潛虛而議之也後有應行跋舊爲錢遵王藏書繼

歸泰興季氏

卷首有虞山錢曾遵王藏書安樂堂藏書季振宜印滄葦諸朱記

天原發微五卷

明刊本

宋鮑雲龍撰并序又方回鮑寧戴表元序雲龍嘗與  
同里方回辨論往復故有問答一卷舊有元元貞間  
刻本明天順間同里鮑寧加以辨正重刻之目錄後

有墨圖記云天順辛巳歙西鮑氏耕讀書堂

右數學

唐開元占經一百二十卷

舊鈔本

唐瞿曇悉達奉敕撰所言皆占驗之法援引緯書有七十餘種之多其他所引古書如五經通義黃帝用兵要太公金匱太公兵法甘石星經王隱晉書之類今皆亡逸猶藉是書考見崖略零瑣碎璧致足珍也有張一熙跋

譙子五行誌五卷

舊鈔本

不著撰人名氏案唐志及崇文總目謂唐時濮陽夏

撰其書分木火土金水五行應四時以編次首舉天文下及物類卽象以推休咎觀縷詳悉錢遵王氏謂此等書惜不多傳於世也

乙巳占九卷

舊鈔木

唐李淳風撰并序此與陳氏書錄錢氏敏求記所載悉合惟闕末風氣一卷其曰乙巳者陳氏謂從上元乙巳起算故以名焉

卷首有得此書費辛苦後之人其鑿我仲魚圖象二朱記

右占候

葬書集注一卷

明刊本

題草廬先生吳文正公澂剛定後學金華元默生鄭

謚注釋前有文正敘錄謂內外八篇雜篇二凡一千二百四十六字倫類精矣蓋以蔡季通所刪二十篇之本而重定者鄭謚字彥淵北山先生忠愍公七世孫自號元默居士又有洪武五年宋濂序又眉山蘇伯衡金華胡翰金信後序附趙東山葬書問對一篇未有弘治十一年新安程敏政序仁和江瀾跋臨川道人題詩新安謝子期後跋是書卽子期所刻見錢氏讀書敏求記

地里新書十五卷

影鈔  
金本

題王洙奉敕刪修此宅經葬書之最詳備者自唐迄

宋皆編輯頒行增加圖解晁氏讀書志題僧一行撰  
作三十卷此本乃畢履道校補闕遺考覈無謬以成  
善本刊於金明昌間前有履道及張謙王洙三序洙  
序有注徵引頗博且序末附音義疑皆履道所撰也  
書分三十七門其中五姓所屬一門於司商協民性  
之旨頗能推闡無遺履道自序云發揮經義注釋禮  
文歲餘方畢以俟同道之能者其非妄作可知矣舊  
本流傳影寫甚精爲近時各家書目所未載

天寶至寶經一卷金函經一卷穴法賦一卷雪心賦一卷

舊鈔  
本

竝不著撰人姓氏惟天寶至寶經有序序爲贛郡曾  
武文展撰自稱得師茂叔先生祕法其龍法曰天寶  
其穴法曰至寶各化五五篇詩逐一解明然則是書  
爲武撰無疑矣雪心賦後又雜論干支年月日時竅  
局并附以口訣最後爲吉郡方旦子輝跋據跋語云  
予與文展先生盡半生教養之禮舍所學而學焉則  
旦亦同時地理家也是本出邑中毛氏舊鈔

卷末有  
汲古閣

毛展之印斧  
季諸朱記

天機望龍經一卷

舊鈔  
本

題宋雲水山人吳景鸞祕授廖金精筆記堪輿黃明

壑參補案景鸞爲克誠子術家相傳克誠於宋慶曆間爲司天監以論山陵事下獄遇赦削髮於白雲山洞以遺書授女其女轉授諸金精山人廖瑀然則吳廖故有淵源也是本亦毛氏舊鈔與天機扒砂經合

裝一冊

卷尾有汲古閣毛展之印斧季諸朱記

天機扒砂經一卷

舊鈔本

題堪輿地仙廖金精著豐城黃明壑集補其卷一至四已佚僅存第五卷案堪輿家以楊曾廖賴竝稱而金精所著此外尚有葬法心印一卷見敏求記九星穴法四卷見四庫書目



劉氏心法一卷楊公騎龍穴一卷

舊鈔本

劉氏卽邢州劉秉忠著有平尺玉砂經者楊公名益字筠松著有撼龍經者後有曾公後論一篇案贛郡諸曾皆習地理家言其名求己文迪者見理氣心印進書表名武字文展者見天寶至寶經序此曾公未詳何人也是本亦出毛氏舊鈔

右相宅相墓

靈棋經二卷

明刊本

不著撰人名氏舊有晉顏幼明宋何承天注元陳師凱明劉基解案是書乃古占法合於易筮象詞亦與

易林相似象後有詩作五七言斷句體當是後人增  
入顏何注言推驗陳劉解則衷諸易理闡發入微舊  
時惟鈔本流傳至明正德間蜀周侍御某得是書命  
喬府判某刊於杭郡有李遠劉基董元錫序

易林四卷

校宋本

漢焦贛撰隋唐宋志俱作十六卷泰興季氏藏有宋  
槧本亦同今分卷上下各二不知何時合併此明吳  
郡陸翀之辨疑館刊本譌字甚多家曇谷假得絳雲  
樓所藏宋本校改致爲精善惟曇谷嘗語陸敕先云  
宋本有全注未及舉錄絳雲一炬而其書不傳爲憾

然幸有此校本猶存古書真面目曇谷名元錫忠宣

公長子也

卷首有臨桂世伯瞿元錫曇谷瞿昌文印壽明諸朱記

京氏易傳三卷

明刊本

漢京房撰吳陸績注漢志載京氏書甚多今僅存易傳殆以所論世應飛伏游魂歸魂已開後世錢卜之法故流傳不廢歟此本每卷有潁川張鯤校五字

理氣心印三卷

舊鈔本

不題撰人姓氏前有唐亞父邱延翰米國師吳景鸞進書表案景鸞表語延翰在玄宗朝曾撰進理氣心印經三卷天機書三卷僖宗末贛水留求己與同關

人楊益在兵間得其書後由曾文迪傳陳希夷而景鸞父克誠從希夷學陰陽卜筮故景鸞得之是書以太極圖爲首先天後天太陰納甲諸圖次之書中臣延翰云云當是唐時原本而臣景鸞言則景鸞承詔補注也後有金精山人廖伯瑀記此爲汲古閣鈔本

新刊圖解玉靈聚義占卜龜經四卷

元刊本

題王洙撰陸森類編駱天祐校正卷二中雜入野庵龜經一種審其次第與敏求記所載四庫著錄微異各家皆題陸森作而此曰王洙案森吳人爲陰陽教諭不脫術家習氣故所作訣法詞不雅馴卷中有

從祕閣所藏龜經參定一條豈龜經卽洙所撰耶

玉靈照膽經一卷

舊鈔本

題霄溪竹隱老人邵平軒撰前有淳熙己酉自序及至順壬申東吳詹仲修序據詹序稱其理微妙不可測斷則竹隱老人殆深於龜卜者也是書敏求記著

錄

周易神應六親百章海底眼二卷

影鈔元本

題臨川王鼎大鼎撰杭郡何忱信亨重編錢塘徐大升進之校正原書作七言絕句及四言體王何爲之注云出晉逸士無惑先生王鄴字子路所傳蓋依託

也其占法專言六親卽今世錢卜之法

右占卜

新雕注疏珞瑤子三命消息賦三卷附校正李燕陰陽三

命二卷

影鈔  
宋本

題宜春李全注東方明疏前有嘉祐四年全序此書  
晁氏讀書志作五卷蓋合李燕書言之焦氏經籍志  
譌作十卷明又譌朔或作李同李全者皆譌郡中黃  
氏嘗得宋刊本爲傳是樓故物今歸仁和胡君心耘  
此本卽從之影寫也

新編四家註解經進珞瑤子消息賦六卷

影鈔  
元本

賦不著撰人作注者題保義郎監內香藥庫門臣王  
廷光宜春李全嘉禾釋曇瑩東海徐子平所謂四家  
是也此書敏求記著錄所題作注人姓名與此本同  
惟作二卷爲異疑錢氏所見非足本耳永樂大典所  
收有二本一題釋曇瑩撰兼采王李之注附以己說  
卽四庫著錄本也一爲徐子平注解本此本合四  
家注爲之故與大典本絕異卷首有王廷光進書序

新刊範圍數二卷

元刊  
木

不著撰人姓名永樂大典中引之謂元賈顯撰分圖  
式門起例門總訣門吉歌門凶歌門賦論門爲上卷

卦訣門數格門爲下卷明趙迎有範圍數自圖式至  
流年斷訣凡十五門卽龔其書也舊爲文氏王氏季  
氏藏書卷首有玉蘭堂五峰樵客梅花屋竹塢  
鐵硯齋王履吉季振宏印滄葦諸朱記

右命書

太乙金鏡式十卷

舊鈔本

唐王希明編史記日者傳云術數七家太乙家居其  
一漢志五行家亦有泰壹之名知其術相傳已久矣

五行精紀三十三卷

舊鈔本

宋廖中撰此書書錄解題及文獻通考作三十四卷  
敏求記所載祇三十二卷缺三十三三十四兩卷也



此較多一卷所引星命家五十一種多不經見者

彈冠必用集一卷

影鈔  
宋本

宋周渭撰并序渭鄱陽人文獻通考譌作謂此書亦見書錄解題謂專爲宦遊擇日而設凡三十篇後有乾道乙酉廬山唐汝舟跋末附漢南張昌詩兀日別法二條又昌詩跋卷末有紹熙甲寅歲當塗縣令沈那刊於正己堂二行此本明人鈔自宋刻亦祕笈也

三曆撮要一卷

宋刊  
本

不著撰人姓氏其書按月具載嫁娶上官出行等吉日及不可用之凶日卽古孤虛旺相之術也其援引

有會要曆百忌曆集聖曆廣聖曆而第三曆者以  
後有詳載萬通曆集正曆具注曆等圖說故以名之  
耳每半葉十行行十九字舊爲士禮居藏書有潛所  
錢氏跋云此書不題撰人姓名亦無刊刻年月所引  
萬通百忌萬年具注集聖廣聖諸書皆選擇家言司  
天監據以鋪注頒朔者也劉德成方操仲汪德昭倪  
和甫蓋當時術數之士今無能舉其姓名者矣書中  
引沈存中筆談當是南宋所刊嘉慶己未十月十有  
四日竹汀居士假讀時年七十有二此跋與錢新  
錄所載稍異又  
有淵如孫氏跋云舊本陰陽書甚少由術士祕其書

而毀之遁甲六壬古法猶見於太白陰經及武經總  
要而歸忌反支天倉諸說載在經史者轉無成書今  
羹圃得此本存宋以前古法亟屬影寫傳世嘗考夏  
正以平旦爲朔則日辰宜起寅時以子丑時入前一  
日術者不知故一切遁甲六壬多不驗書此以質知  
者陽湖孫星衍書卷首有通儒世家黃  
丕烈印復翁諸朱記

年月備要前集一卷後集六卷

元刊本

不著撰人姓氏前有總目曰前集三元通用六十年  
定例後集六卷諸家總要舊爲文瑞樓藏書

右陰陽五行

藝術類

書品一卷

舊鈔本

梁庾肩吾撰是本列九品者亦止一百二十三人與序語云一百二十八人不合王漁洋譏毛氏刊本有

誤實世無別本也

卷首有稽瑞樓朱記

貞觀公私畫史一卷

舊鈔本

唐中書舍人裴孝源撰前有貞觀十三年自序略謂錄魏晉以來至貞觀十三年祕府及佛寺并私家所蓄遺蹟有二百九十八卷屋壁四十七所目爲貞觀公私畫錄舊出汲古毛氏鈔本

卷首有毛氏子晉朱記

唐朝名畫錄一卷五代名畫補遺一卷

明刊本

兩書明時合刻本名畫錄唐朱景元撰并序陳氏書錄作唐朝畫斷云後有天聖三年商宗儒後序今此本無之其卷首題唐朝名畫錄而卷末一行復改爲唐賢不可解名畫補遺宋大梁劉道醇纂陳氏作五代名畫記有嘉祐四年陳洵直序舊藏洞庭葉氏

卷首

有葉樹廉印  
石君二朱記

墨藪二卷

舊鈔本

陳氏書錄云不知何人所集此題唐韋續纂其二十一篇之數與陳氏所載合文獻通考作十卷蓋傳寫

之誤也

法帖音釋刊誤一卷

鈔本

宋參知政事陳與義奉敕校正劉次莊所撰官帖釋文其刊正誤字皆極精核有周必大跋

翰墨志一卷

鈔本

宋高宗御製高宗書學二王所得最深自謂五十年未嘗舍筆此其晚年所作雖篇頁寥寥實皆論書精要語也

圖畫見聞誌六卷

元鈔本三卷  
宋刊本三卷

宋郭若虛撰前三卷係元人手錄每半葉十四行行

廿四字前有郭若虛自序以明翻宋陳道人刊本校  
之頗有不同如卷一次行題郭若虛撰又次爲敘論  
細目七行而陳本無之卷二李昇條注云蜀中多呼  
昇爲小李將軍小李將軍乃是思訓之子陳本脫下  
小李將軍四字卷三文同條末有一字至十字詩云  
竹竹森寒潔綠湘江邊渭水曲帷幔翠錦戈矛蒼玉  
虛心異眾草勁節逾凡木化龍杖入僊陬呼鳳律鳴  
神谷月娥巾幘淨冉冉風女笙竽清肅肅林間飲酒  
碎影搖金石上圍碁清陰覆局屈大夫逐去徒悅椒  
蘭陶先生歸來但尋松菊若檀欒之操則無敵於君

圖瀟灑之姿亦莫賢於僕此詩陳本亦失載又按卷  
一論黃徐體異條刁處士名光下注云下一字犯太  
祖廟諱則其所據別本亦是宋刻也後三卷爲宋臨  
安府陳道人書籍鋪刊行本每半葉十一行行二十  
字與明翻本行款悉同惟匡貞構購等字皆闕筆翻  
本則不盡然其紙皆羅紋闕簾信是宋刻宋印也元  
鈔序目補闕爲秦西巖手筆且有楊夢羽氏印知爲  
吾鄉萬卷樓舊物歷三百年復歸故地雖失其半而  
復得黃楚圃氏以宋刊補之既喜珠還且成璧合矣

宣和畫譜二十卷

舊鈔本



不著撰人姓名蓋當時米襄陽蔡京等奉敕纂定者是本有無名氏原序無宣和庚子御製等字始知別本有之乃後人妄加王肯堂遂誤以爲此書出御纂耳此鈔字蹟甚舊卷中朱筆校改迺忠宣手蹟第六七等卷末有崇禎癸酉某月某日校及耕石齋主人

題字

卷後有陳煌圖印鴻文二朱記

純全集四卷

舊鈔本

題宋翰林書藝局祇候南陽韓拙全翁撰有自序又張懷後序是書共十篇曰論山曰論水曰論林木曰論石曰論烟霧嵐光風雪雨曰論人物橋約關城寺

觀山居舟船四時之景曰論用筆墨格法氣韻之病  
曰論觀畫別識曰論古今之學者曰論三古之畫過  
與不及別本曰山水純全集佚去末篇此爲明沈辨  
之鈔藏本猶全帙也每葉闌外右角有吳縣野竹家  
沈辨之製九字

卷首有野竹家沈辨之印沈辨之氏  
方山濠南居士吳岫海虞陵秋家藏

稽瑞樓  
諸朱記

廣川畫跋六卷

舊鈔  
本

宋董道撰是書有楊升庵刻本中有脫文及此文錯  
入他文之尾者此從元至正乙巳華亭孫道明鈔本  
傳錄孫從宋末書生寫本錄出流傳最舊惟六卷末

有缺文黃文琴六據楊本校補并補正他處闕字遂  
成完書

廣川畫跋六卷

明刊本

此楊升庵從館閣本錄出以刻者目中書李子西兵  
車圖書龍袞文馬圖二篇列卷一末與本書合元鈔  
本錯入於前者訛惟楊本譌字爲多黃文琴六卽據  
元鈔本校改訂正有劉大謨序楊慎跋

畫繼十卷

明刊本

宋鄧椿撰前有乾道三年自序謂繼張彥遠歷代名  
畫記郭若虛圖畫見聞志而作者自熙寧而後列于

書者凡二百一十九人明嘉靖間刻本

書苑菁華二十卷

舊鈔本

宋陳思撰魏了翁序思爲臨安書賈亦喜撰述嘗著寶刻叢編流傳於世金石家稱之是編輯漢魏以來論書之說雖標目未盡允當而搜羅亦博可供臨池之助與朱樂圃墨池編相伯仲也舊爲洞庭徐氏物從宋刻傳錄末有萬曆七年徐玄佐跋

皇宋書錄三卷

舊鈔本

宋董史撰并序書作於理宗淳祐壬寅年中燬於火至度宗咸淳乙丑歲修校成編是本出華亭孫氏鈔

傳卷末有至正丁未三月十四日錄辨一行惜中多  
脫文缺字無從校補史字良史乃從姓得名有作董  
更者傳寫之誤

圖畫考七卷

舊鈔本

元盛熙明撰熙明有法書考八卷著錄 四庫而此  
書不載錢氏元史藝文志亦無其目案自序有云臣  
不揣愚陋嘗著法書考今復博采傳記芟繁摭要撰  
爲圖畫考一通繕寫上進是此書之作在法書考奏  
御之後本自別行也書爲目二十有七卷二曰述原  
興廢規鑒圖名師傳卷二曰工用筆法氣韻設色模

揭卷三曰佛道人物傳真宮室卷四曰山水附樹石  
卷五曰竹木花鳥蔬果龍魚畜獸卷六曰名譜分上  
古中古近古三子目卷七曰鑒藏辨謬品價印記裝  
稽藏玩大概本之張彥遠名畫記郭若虛見聞志餘  
如謝赫古畫品錄郭思林泉高致之屬已不多及  
四庫全書提要稱法書考雖襍取諸家之說而採擇  
特精今觀此書亦復條理秩然猶前志也

書法鉤元四卷

明刊本

元蘇霖撰自序謂搜訪鈔錄前人論書語輯成巨帙  
此特纂其要言故曰鉤元舊爲邑中馮氏藏本

卷首有馮

武之印簡緣子寶  
伯父長樂諸朱記

圖繪寶鑑五卷補遺一卷

元刊本

題吳興夏文彥士良纂前有至正乙巳士良自序卷

末有至正丙午新刊一行時元順帝二十六年也

首卷

末有項墨林鑑賞墨林賦玩項  
子京家珍藏項元汴印諸朱記

右書畫

琴史六卷

舊鈔本

宋朱長文撰宋以前論琴之書見于陳氏書錄者甚多今皆不傳世所傳者蔡氏琴操外以此書爲最古作於元豐七年紹定癸巳從孫正大始刊板行之此

明正德戊寅安愚錄本卷中遇宋帝字皆提行猶依  
宋本式也愚所錄又有琴苑要錄一冊無撰人名氏  
與此合爲上下冊裝池楮墨皆同舊藏稽瑞樓

琴統一卷外篇一卷

舊鈔本

題南溪徐理撰釋書中追古篇知爲宋理宗時人先  
成鐘律書進御得叨恩科給年五十後復成此書中  
論音律最詳外篇有自序列律圖并補論琴統所未  
備各家書目皆未載審其楮墨亦正德時鈔本與琴  
史諸書以類相附者也此書與懶仙五聲琴譜合爲  
一冊據自序懶仙明天順間人其姓名不可考



古琴譜

忘憂清樂集一卷

宋刊本

此書無標題亦無序跋首列皇祐中張學士棊經十三篇次列劉仲甫棊訣四篇張靖論棊訣要雜說後列孫吳至宋舊圖若干局又列棊勢若干局其裝三冊案陳氏書錄有忘憂清樂集題棊待詔李逸民撰集此本棊經後次徽宗御製詩有忘憂清樂在棊枰之句又有前御書院棊待詔賜緋李逸民重編一行黃復翁遂據以定此名想當時標題在序首今失之耳舊藏士禮居後入藝芸書舍湖賈金仁甫攜以見

示購之以備雜藝一門

卷首有土鍾圖  
原父二朱記

右雜技

鐵琴銅劍樓藏書目錄卷十五終